



FAQ

Dumondas e respostas davart cundiziuns da basa ed admissiun

Furmaziun supplementara englais per il stgalim primar

ediziun mars 2009

Jau sun ina persuna d'instrucziun da scola primara (scolast(a) da scoletta u persuna d'instrucziun spezialisada) en ina vischnanca grischuna. Sai jau frequentar la furmaziun supplementara?

Il chantun As garantescha in plaz da furmaziun supplementara sche Vus essas vegnì/-da elegì/-da da Voss purtader da scola entaifer ses contingent per la scolaziun supplementara d'englais e sche Vus adempris las cundiziuns da participaziun (diplom da scolast primar, diplom da scolast spezialisà, diplom da scolast(a) da scoletta ni ina permissiun da dar scola definitiva en il chantun Grischun, plinavant la cumprova da competenza da lingua almain al nivel A1). Mintga purtader da scola ha il dretg per in plaz da scolaziun supplementara per mintga 5avla e 6avla classa. Sche Vus udis tar quai contingent decida il purtader da scola.

Jau sun vegn tschernì/-da da mes purtader da scola per la furmaziun supplementara d'englais e fatsch part dal contingent. Pos jau cumenzar immediat la furmaziun supplementara?

En il cas che Vus na disponis anc betg d'in certificat da lingua reconuschì stuais Vus absolver il test da classificaziun (cumpetenzza da lingua). Sinaquai sto Voss purtader da scola far per Vus ina dumonda d'admissiun *entaifer* il contingent tar l'Uffizi per la scola populara ed il sport. Ushè prest che la decisiun d'admissiun positiva è avant maun pudais Vus cumenzar cun la furmaziun supplementara.

Jau na fatsch betg part dal contingent da mes purtader da scola resp. na sun betg vegnì/-da tschernì/-da d'in purtader da scola per la furmaziun supplementara. Sai jau tuttina frequentar la furmaziun supplementara?

Vus pudais far ina dumonda d'admissiun tar l'Uffizi per la scola populara ed il sport sco persuna d'instrucziun *ordaifer* il contingent. Sch'i ha avunda capacitads avant maun san era persuna d'instrucziun *ordaifer* il contingent vegnir acceptadas e frequentar la furmaziun supplementara sin agens custs. En quai cas na sa participescha il chantun dentant betg als custs ed il dretg da substituziun resp. sustegn n'exista betg.

Jau n'hai anc insumma naginas enconuschientschas da l'englais. Pos jau tuttina sa participar a la furmaziun supplementara?

Na. A la furmaziun supplementara vegnan mo acceptadas personas che disponan d'in nivel da cumpetenzza da lingua sin il stgalim A1. Avant che Vus pudais dumandar l'Uffizi per la Scola populara ed il sport per l'admissiun, stuais Vus avair cuntanschì il nivel A1 en il test da classificaziun ni pudair mussar in certificat da lingua equivalent.

Pon sulettamain personas d'instrucziun da la 5avla e 6avla classa frequentar la furmaziun supplementara ?

Na. Ils purtaders da scola pon era eleger personas d'instrucziun ch'instrueschan sin stgalim pli bass ni personas d'instrucziun spezialisadas. L'Uffizi per la scola populara ed il sport po dar l'admissiun per la furmaziun supplementara a tut las personas d'instrucziun che disponan d'in diplom da scolast primar reconuschì, in diplom d'instrucziun spezialisada, in diplom da scolast(a) da scoletta ni ina permissiun da dar scola definitiva en il chantun Grischun.

Jau hai gia in certificat da lingua reconuschì dal nivel B2 (ni terminà la matura cun nota 4). Stos jau absolver il test da classificaziun?

Sche Vus disponis d'in certificat da lingua reconuschì na duvrais Vus betg il test da classificaziun per l'admissiun a la furmaziun supplementara. La glista dals certificats reconuschids chattais Vus en la brochura d'infurmaziun. Ina maturitad cun nota 4 ni meglier en englais vegn medemamain reconuschida sco nivel B2. Vus pudais simplamain agiuntar a Vossa dumonda d'admissiun ina copia dal certificat. Sche Vus frequentais ils curs da cumpetenzza da lingua chantunals As recumandain nus da tuttina absolver il test da classificaziun. Quai vala surtut sch'i è gia vargà in pau temp dapi che Vus avais frequentà Vossa furmaziun da lingua. Uschè po vegnir garanti che Vus vegnis partì en la dretga categoria.

Jau hai gia frequentà ina furmaziun d'englais equivalenta. Ma vegn quella quintada vitiers?

Gea, furmaziuns ni parts da furmaziun equivalentas na ston betg vegnir absolvidas anc ina giada da las persunas d'instrucziun (quai vala per las furmaziuns da lingua, da metodica e da cultura). Sche las furmaziuns absolvidas èn equivalentas ni betg, decida l'Uffizi per la scola populara ed il sport. Faschai per quai intent ina dumonda a l'Uffizi per la scola populara ed il sport per relaschar elements da la furmaziun supplementara. Il formular correspondent chattais Vus sin la pagina d'internet da l'uffizi (www.av.sr.ch/englich).

Co m'annunziel jau per ils singuls moduls da la furmaziun supplementara?

Avant che Vus as pudais annunziar per ils singuls moduls da furmaziun supplementara (cumpetenzza da lingua, da metodica e da cultura), duvrais Vus la decisiun d'admissiun da l'Uffizi per la scola populara ed il sport. Cura che la decisiun d'admissiun è avant maun, As annunziar directamain tar l'offerent dals curs. Ils formulars d'annunzia chattais Vus directamain sin la pagina d'internet da l'uffizi (www.av.sr.ch/englich).

Jau na ma less betg participar a la furmaziun supplementara organisada dal chantun. Pos jau er organisar sez mia furmaziun da cumpetenzza da lingua?

Gea, quai è pussaivel. Per quai intent offrescha il chantun la uschenunada "via individuala". Per vegnir recepids stuais Vus avair cuntanschì en il test da classificaziun il nivel A1 ni pudair mussar in certificat da lingua equivalent. Sco participant/a *entaifer* il contingent vegnis Vus indemnisads/-ada per la furmaziun da cumpetenzza da lingua independenta cun ina pauschala. Consultai ils certificats da lingua equivalents en la brochura d'infurmaziun.

Sco participant/a *entaifer* il contingent hai jau tenor la brochura d'infurmaziun dretg sin 10 dis substituziun / sustegn per la furmaziun supplementara da metodica. La furmaziun supplementara ha dentant lieu en mias vacanzas. Co funcziuna quai?

Il dretg da substituziun vala independent dal fatg sche Vus absolvais la furmaziun supplementara durant il temp da scola ni Voss temp liber. Cun frequentar la furmaziun da cumpetenzza da metodica avais Vus dretg sin 10 dis substituziun. Vus fixais cun Voss purtader da scola cura che Vus pudais retrair Voss dretg da substituziun. Il dretg da substituziun vala en il senn d'in sustegn: Vus avais pia era il dretg sin Vossa paga durant il temps che Vus vegnis substituìs. Quella regulaziun simplifitgescha als purtaders da scola da chattar substituìs e d'entrar sin ils giavischs da las persunas d'instrucziun. Il medem vala per auters dretgs sin dis da substituziun sin fundament da furmaziun supplementaras da lingua e da cultura, per exempel er per curs da cumpetenzza da lingua che Vus frequentais la saira.

Fin cura stos jau terminar la furmaziun supplementara?

Da principi duessas Vus avair terminà l'entira furmaziun supplementara enfin la fin da l'onn 2012. Il motiv è ch'il chantun garantescha la realisaziun dals moduls da furmaziun supplementara (cunzunt per la cumpetenzza da lingua) mo fin a quai termin. La part da furmaziun „cumpetenzza da cultura“ vegn garantida fin l'onn 2014.

Pos jau era instruir englais avant che finir tut ils elements da la furmaziun supplementara?

Da principi duvrais Vus l'attest da qualificaziun per instruir englais. L'Uffizi per la scola populara ed il sport sa dentant dar ina lubientscha d'instrucziun provisorica, sche Vus avais cuntanschì il certificat da lingua sin nivel B2 ed absolvi cun success la part da furmaziun da metodica e didactica.

Sun jau obligà da frequentar ils curs ni tanschi sche jau reussesch als examens?

Per la part da furmaziun supplementara „*cumpetenzza da lingua*“ vala: Sche Vus faschais diever da la purschida chantunala (perencunter a la „via individuala“), essas Vus da principi obligads da frequentar 80% da las lecziuns dal curs da basa correspondent. Ils curs da la part da furmaziun supplementara „*cumpetenzza da metodica*“ èn da principi da frequentar cumplettaimain.

Sun jau – suenter avair absolvi la furmaziun supplementara cun success – obligà/-ada d'instruir l'anglais tar mes purtader da scola?

Quai dependa da las cunvegnientschas individualas cun Voss purtader da scola. Nus recumandain da far ina uschenumnada cunvegnientscha davart la furmaziun supplementara cun Voss purtader da scola avant che cumenzar la furmaziun supplementara. Ina tala cunvegnientscha davart la furmaziun supplementara sclerescha e gida uschè bain a Vus sco a Voss purtader da scola.